

中學國文補充讀本

第一集

節本論語

下冊

陳幼璞選註

主編者

王雲五 丁毅音 張寄岫

商務印書館發行

本讀充補文國學中

集 一 第

語 論 本 節

冊 下

註選璞幼陳

者編主

岫寄張 音穀丁 五雲王

行發館書印務商

# 顏淵第十二

顏淵問仁，子曰：『克己復禮爲仁，一日克己復禮，天下歸仁焉。爲仁由己，而由人乎哉？』

克己復禮爲仁，勝也。己，謂身之私欲也；復，反也；禮者，天理之節文也；爲仁者，所以全其心之德也；蓋心之全德，莫非天理，而亦不能不壞於人欲，故爲仁者，必有以勝私欲，而復於禮，則事皆天理，而本心之德復全於我矣。一日……歸仁焉，歸，猶與也；言一日克己復禮，則天下之人皆與其仁，極言其效之甚速而至大也。爲仁由己而由人乎哉，言爲仁由己，而非他人所能預，又見其機之在我而無難也。

顏淵曰：『請問其目。』子曰：『非禮勿視，非禮勿聽，非禮勿言，非禮勿動。』

顏淵曰：『回雖不敏，請事斯語矣。』

目條目也。請事斯語，謂本斯語而力行之也。

仲弓問仁，子曰：『出門，如見大賓，使民，如承大祭，己所不欲，勿施於人；在邦無怨，在家無怨。』仲弓曰：『雍雖不敏，請事斯語矣。』

出門……承大祭，大賓，公侯之賓也；大祭，禘郊之祭也；謂出門使民，皆宜持之以敬也。己所

不欲，勿施於人，此言恕道也。在邦無怨，在家無怨，此言敬、恕之效也；為仁之道，宜敬且恕，故

能敬、恕者，其效如斯也。

曰：『為之難，言之得無訕乎？』  
司馬牛問仁，子曰：『仁者，其言也訕。』曰：『其言也訕，斯謂之仁矣乎？』子

司馬牛名犁，孔子弟子。仁者為言也訕，訕，忍也，難也；仁者心存而不放，故其言若有所忍而

不易發，蓋其德之一端也；夫子以牛多言而躁，故告之以此，使其於此而謹之，則所以為仁之

方，不外是矣。

司馬牛問君子，子曰：『君子不憂不懼。』曰：『不憂不懼，斯謂之君子矣乎？』  
子曰：『內省不疚，夫何憂何懼？』

君子不憂不懼，牛弟桓魋將爲亂，牛常憂懼，故孔子告之以此。內省不疚，疚，病也；謂內自省無罪惡也。

司馬牛憂曰：『人皆有兄弟，我獨亡！』子夏曰：『商聞之矣：『死生有命，富貴在天。』君子敬而無失，與人恭而有禮，四海之內，皆兄弟也，君子何患乎無兄弟也？』

人皆有兄弟，我獨亡，亡，同無；牛兄桓魋作亂，牛憂其將死，故云然也。商聞之矣，謂嘗聞之夫子也。

子張問明，子曰：『浸潤之譖，膚受之愬，不行焉，可謂明也已矣。浸潤之譖，膚受之愬，不行焉，可謂遠也已矣。』

浸潤……明也已矣。浸潤，如水之浸灌滋潤，漸漬而不驟也；譖，毀人之行也；膚受，謂肌膚所受，利害切身也；愬，愬己之冤也；毀人者漸漬而不驟，則聽者不覺其入，而信之深矣；愬冤者急迫而切身，則聽者不及致詳，而發之暴矣；二者難察而能察之，則可見其心之明矣。遠明之至也；書曰『視遠惟明』。

子貢問政，子曰：『足食，足兵，民信之矣。』子貢曰：『必不得已而去，於斯三者何先？』曰：『去兵。』子貢曰：『必不得已而去，於斯二者何先？』曰：『去食。自古皆有死，民無信不立。』

必不得已而去於斯三者何先謂食、兵、信三者，若不能並舉，勢將舍去其一，則以何者爲先？

二者謂食與信也。自古皆有死，民無信不立，民無食必死，然死者古今常道，人皆有之，治國

不可失信，失信則國不立也。

棘子成曰：『君子質而已矣，何以文爲？』子貢曰：『惜乎！夫子之說，君子也；駟不及舌，文猶質也，質猶文也，虎豹之鞢，猶犬羊之鞢。』

棘子成，衛大夫。君子質而已矣，何以文爲？言君子之人，淳質則已足矣，何用文章，乃爲君子？

蓋棘子疾時人文勝，故爲此言。惜乎……不及否？夫子指子成也；言子成之言，乃君子之意，

然言出於吾，則駟馬不能追之，又惜其失言也。文猶質也，質猶文也，言文質等也。虎豹之

鞢，猶犬羊之鞢，鞞，皮去毛者也；虎豹與犬羊異者，以其毛文異也，若去其毛，則二者何以別乎？

意謂君子無文，則無以別於小人也。

哀公問於有若曰：『年饑用不足，如之何？』有若對曰：『盍徹乎？』曰：『二，吾猶不足，如之何其徹也？』對曰：『百姓足，君孰與不足？百姓不足，君孰與足？』

用國用。蓋徹乎謂何不行徹法乎徹，通也，均也，周制：一夫受田百畝，而與同溝共井之人，通力合作，計畝均收，大率民得其九，公取其一，故謂之徹。魯自宣公稅畝，又逐畝什取其一，則爲什而取二矣，故有若請但專行徹法，欲公節用以厚民也。二卽所謂什二也，什而取二也。

齊景公問政於孔子，孔子對曰：『君君，臣臣，父父，子子。』公曰：『善哉！信如君不君，臣不臣，父不父，子不子，雖有粟，吾得而食諸？』

君君，臣臣，父父子子，謂君盡君道，臣盡臣道，父盡父道，子盡子道也。

子曰：『片言可以折獄者，其由也與！』

片言可以折獄，片，半也；折，斷也；謂半言卽可斷獄訟也；蓋子路忠信明決，言出而人信服之，不待其辭之畢也。

子路無宿諾。



無宿諾，宿，留也。言急於踐言，不留其諾也。記者因夫子之言而記此，以見子路之所以取信於人者，由其養之有素也。

子曰：「聽訟，吾猶人也，必也使無訟乎！」

聽訟，聽其所訟之辭，以判曲直也。猶人與人同。使無訟，教化之，使無爭訟。

子張問政，子曰：「居之無倦，行之以忠。」

居，謂存諸心。無倦，謂始終如一。行，謂發於事。以忠，謂表裏如一。

子曰：「君子成人之美，不成人之惡，小人反是。」

成，謂誘掖獎勸，以成其事也。

季康子問政於孔子，孔子對曰：『政者，正也。子帥以正，孰敢不正？』

子帥以正，孰敢不正。帥，音率，義亦同。言子所爲者正，則足導臣民，使皆出於正也。季康子魯上卿，諸臣之帥，故孔子以此告之。

季康子患盜，問於孔子，孔子對曰：『苟子之不欲，雖賞之不竊。』

苟子……不竊。言子不貪欲，則雖賞民使之爲盜，民亦知恥而不竊。

季康子問政於孔子曰：『如殺無道以就有道，何如？』孔子對曰：『子爲政，焉用殺？子欲善而民善矣。君子之德風，小人之德草，草上之風必偃。』

殺無道以就有道，就，成也。殺無道以成有道，意謂多殺以止姦也。君子……必偃。偃，仆也。言

在上君子爲政之德若風，在下小人從化之德若草，加草以風，無不仆者，猶化民以正，無不從者。

子張問：『士何如斯可謂之達矣？』子曰：『何哉爾所謂達者？』子張對曰：『在邦必聞，在家必聞。』子曰：『是聞也，非達也。夫達也者，質直而好義，察言而觀色，慮以下人，在邦必達，在家必達；夫聞也者，色取仁而行違，居之不疑，在邦必聞，在家必聞。』

達△德孚於人，而行無不得之謂。聞△名譽著聞也。質△直而好義，樸質正直，而行事知好義也。

察△言……下△人下人，謙抑以處人也；言察人之言，觀人之色，其志慮常在謙抑以處人也。

色△取……不疑行，去聲；言善其顏色以取於人，而行實背之，又自以爲是，而無所忌憚，此不務實，而專務求名者也。

樊遲從遊於舞雩之下，曰：『敢問崇德、脩慝、辨惑。』子曰：『善哉問！先事後得，非崇德與？攻其惡，無攻人之惡，非脩慝與？一朝之忿，忘其身，以及其親，非惑與？』

崇德崇充也；充盛其德也。脩慝脩治而去之也；慝惡也；治去其惡也。辨惑辨別其迷惑之所在也。先事而後得先勞於事而後得報。攻其惡攻責也；自責其惡也。一朝……其親言不忍一朝之忿怒而自忘其身，因以累及其親。

樊遲問仁，子曰：『愛人。』問知，子曰：『知人。』樊遲未達，子曰：『舉直錯諸枉，能使枉者直。』

知「問知」之「知」去聲，「知人」之「知」平聲。達曉達。舉直錯諸枉注見爲政篇。

樊遲退，見子夏曰：『鄉也吾見於夫子而問知，子曰：「舉直錯諸枉，能使枉者直。」何謂也？』子夏曰：『富哉言乎！舜有天下，選於衆，舉臯陶，不仁者遠矣；湯有天下，選於衆，舉伊尹，不仁者遠矣。』

鄉去聲，曩也。富哉言乎歎其言所包之廣也。不仁者遠矣言不仁之人，自知枉曲，皆遠去

矣；足見舉直錯枉之效。

子貢問友，子曰：『忠告而善道之，不可則止，毋自辱焉。』

忠告，工毒反，謂盡其心以告之。

善道，道同導，謂善其說以啓導之。

自辱，謂自取辱也。

曾子曰：『君子以文會友，以友輔仁。』

以文會友，文，謂詩書禮樂也；言共處而講學也。

以友輔仁，謂相切磋而輔成其仁也。

## 子路第十三

子路問政，子曰：『先之，勞之。』請益，曰：『無倦。』

先之<sup>△△△</sup>勞之<sup>△△△</sup>，凡民之行，以身先之，則不令而行；凡民之事，以身勞之，則雖勤不怨。請益<sup>△△</sup>，請更明

說之也。子路嫌夫子說有未盡，故請更明說之。無倦<sup>△△</sup>，古本作毋；言行之須持久也。子路勇

於有爲，而不能持久，故以此告之。

仲弓爲季氏宰，問政，子曰：『先有司，赦小過，舉賢才。』曰：『焉知賢才而舉之？』曰：『舉爾所知，爾所不知，人其舍諸？』

先有司<sup>△△△</sup>，指宰之屬官；言爲政當先委任屬吏，而後考其成功，則己不勞而事畢舉矣。赦

小過<sup>△△</sup>，大過懲之，小過則赦之，則刑不濫而人心悅矣。人其舍諸<sup>△△△△</sup>，舍置也，置之而不舉也；言人

將舉之也。

子路曰：『衛君待子而爲政，子將奚先？』子曰：『必也正名乎！』子路曰：『有是哉，子之迂也！奚其正？』

衛君出公輒。待子而爲政言欲用孔子。奚先言先行何事。正名正百事之名。迂謂遠於事情而非急務也。

子曰：『野哉由也！君子於其所不知，蓋闕如也。名不正，則言不順，言不順，則事不成，事不成，則禮樂不興，禮樂不興，則刑罰不中，刑罰不中，則民無所措手足。故君子名之必可言也，言之必可行也。君子於其言，無所苟而已矣。』

野鄙俗也。闕闕而勿據。名不正……無所措手足中，去聲；言名不當其實，則言不順；言不順，則無以考其實，而政事不成；政事不成，則君不安於上，風不移於下，是禮樂不興行也，禮樂不行，則有淫刑濫罰，故不中也；刑罰枉濫，則民踣地局天，動罹刑網，故無所措其手足也。故君子……可行也言所名之事，必可得而明言，所言之事，必可得而遵行。

子曰：『誦詩三百，授之以政，不達；使於四方，不能專對；雖多，亦奚以爲？』

詩三百注見爲政篇。達通達也。詩之理可通政事，故施之政事，則宜達也。使去聲。專對謂能專應對之事也。古者使適四方，有會同之事，皆賦詩以見意。多誦誦詩多也。

子曰：『其身正，不令而行；其身不正，雖令不從。』

其身正謂在上之人，能自正其身也。令教令也。

子曰：『魯、衛之政，兄弟也。』

兄弟謂相似也。魯、衛，周公之後，衛康叔之後，本兄弟之國，而是時衰亂，政亦相似，故孔子歎之。

子謂衛公子荆善居室：『始有，曰：「苟合矣！」少有，曰：「苟完矣！」富有，曰：



「苟美矣！」。

公子荆衛大夫。

善居室謂居家有道也。

始有始有財也。

苟聊且粗略之意。

合聚也。

完備也。

子適衛，冉有僕，子曰：「庶矣哉！」冉有曰：「既庶矣，又何加焉？」曰：「富之。」

曰：「既富矣，又何加焉？」曰：「教之。」

庶衆也，言人民衆多也。

子曰：「苟有用我者，朞月而已可也，三年有成。」

朞月，周月也，周一歲之十二月也，意即周年。

可僅辭，言綱紀布也。

有成，謂治功成也。

子曰：「善人爲邦百年，亦可以勝殘去殺矣！」誠哉是言也！」

善人……去殺矣，爲治也；勝，平聲；言有善人治國，至百年之久，則亦可以勝殘暴之人，使不爲惡，去刑殺而不用矣。蓋古有是言，而夫子稱之。

子曰：『如有王者，必世而後仁。』

王者謂聖人受命而興也。必世而後仁，三十年爲一世，言必三十年而後仁政成也。

子曰：『苟正其身矣，於從政乎何有？不能正其身，如正人何？』

何有言不難也。

冉子退朝，子曰：『何晏也？』對曰：『有政。』子曰：『其事也！如有政，雖不吾以，吾其與聞之！』

冉子退朝，冉有時爲季氏宰，朝謂季氏之私朝也。政，國政。事，家事。晏，晚也。如有……

聞之與，去聲；以用也；禮大夫雖不治事，猶得與聞國政；是時季氏專魯，其於國政，蓋有不與同列議於公朝，而獨與家臣謀於私室者，故夫子爲不知者而言，此必季氏之家事耳，若是國政，我嘗爲大夫，雖不見用，猶當與聞，今既不聞，則是非國政也。

定公問：「一言而可以興邦，有諸？」孔子對曰：「言不可以若是其幾也！人之言曰：『爲君難，爲臣不易。』如知爲君之難也，不幾乎一言而興邦乎？」

幾平聲，近也。

曰：「一言而喪邦，有諸？」孔子對曰：「言不可以若是其幾也！人之言曰：『予無樂乎爲君，唯其言而莫予違也。』如其善而莫之違也，不亦善乎？如不善而莫之違也，不幾乎一言而喪邦乎？」

予無樂……子違也，言爲君無所樂，所樂者惟在有所言而人莫敢違背。如其善也，其言如善，不善其言不善。

葉公問政，子曰：『近者說，遠者來。』

葉公注見述而篇。說同悅。

子夏爲莒父宰，問政，子曰：『無欲速，無見小利，欲速則不達，見小利則大事不成。』

莒父魯邑名。

葉公語孔子曰：『吾黨有直躬者，其父攘羊，而子證之。』孔子曰：『吾黨之直者異於是，父爲子隱，子爲父隱，直在其中矣。』

語去聲。黨鄉黨。直躬謂直身而行也。一說躬，人名，素以直著，故稱之曰直躬。

攘羊有因

而盜曰攘，攘羊謂羊自來而盜之也。

樊遲問仁，子曰：『居處恭，執事敬，與人忠。雖之夷狄，不可棄也。』

恭△恭△與△敬△說△文△俱△訓△肅△此△處△兩△字△對△舉△蓋△恭△主△容△敬△主△事△恭△見△於△外△敬△主△於△中△雖△之△夷△狄△不△

可△棄△也△言△恭△敬△忠△三△者△雖△之△夷△狄△猶△應△固△守△而△不△可△失△也△

子貢問曰：『何如斯可謂之士矣？』子曰：『行己有恥，使於四方，不辱君命，可謂士矣。』

有△恥△言△於△不△善△之△事△有△所△恥△而△不△爲△也△使△去△聲△

曰：『敢問其次。』曰：『宗族稱孝焉，鄉黨稱弟焉。』曰：『敢問其次。』曰：『言必信，行必果，硜硜然小人哉！抑亦可以爲次矣。』曰：『今之從政者何如？』子曰：『噫！斗筭之人，何足算也！』

弟△去△聲△同△悌△行△必△果△行△去△聲△言△所△欲△行△必△果△敢△爲△之△硜△硜△愚△固△之△貌△硜△小△石△之△堅△確△者△故△

以形容愚固。斗<sup>△</sup>筲<sup>△</sup>之人言鄙細之人也；斗筲皆量名，筲，竹器，容一斗二升。算<sup>△</sup>數也。

子曰：『不得中行而與之，必也狂、狷乎！狂者進取，狷者有所不爲也。』

不得<sup>△</sup>中<sup>△</sup>行<sup>△</sup>而<sup>△</sup>與<sup>△</sup>之<sup>△</sup>，道也；言不得中道之人而教之也。必也<sup>△</sup>狂<sup>△</sup>乎<sup>△</sup>狷<sup>△</sup>，介也，志節堅定也；言必得狂者、狷者而教之，而後可也；蓋不得中行而思其次也。進<sup>△</sup>取<sup>△</sup>進<sup>△</sup>取<sup>△</sup>於<sup>△</sup>善<sup>△</sup>也。有<sup>△</sup>所<sup>△</sup>不<sup>△</sup>爲<sup>△</sup>，謂不爲不善也。

子曰：『君子和而不同，小人同而不和。』

和<sup>△</sup>謂無乖戾之心。同<sup>△</sup>謂有阿比之意。

子貢問曰：『鄉人皆好之，何如？』子曰：『未可也。』  
『鄉人皆惡之，何如？』子曰：『未可也，不如鄉人之善者好之，其不善者惡之。』

好去聲。未可言未可謂之善也。惡去聲。

子曰：『君子易事而難說也；說之不以道，不說也；及其使人也，器之。小人難事而易說也；說之雖不以道，說也；及其使人也，求備焉。』

說同悅，謂投其所好也。說之……器之，此二語乃申釋易事難說之故，蓋不可說以非道，所以難說，使人器之，所以易事也；器之，謂隨其材器而使之。求備，謂責備於一人。

子曰：『君子泰而不驕，小人驕而不泰。』

泰而不驕，安舒而不驕縱。

子曰：『剛、毅、木、訥，近仁。』

剛，毅，木，訥，近仁，無欲，毅，果敢，木，質樸，訥，遲鈍，四者皆仁之質，故曰近仁。

子路問曰：『何如斯可謂之士矣？』子曰：『切切、惓惓、怡怡如也，可謂士矣。朋友切切、惓惓，兄弟怡怡。』

切切，懇到也。惓惓，詳勉也。怡怡，和悅也。朋友……怡怡言於朋友，宜懇到詳勉，以盡規

箴之道，於兄弟，宜和悅以相友。

子曰：『善人教民七年，亦可以即戎矣！』

教民，謂教之以孝、弟、忠、信之行，務農講武之法。即戎，即就也；言就兵戎攻戰之事也。

子曰：『以不教民戰，是謂棄之！』

以不教民戰，用不教之民，從事攻戰也。棄，絕去之也。



# 憲問第十四

憲問恥，子曰：『邦有道穀，邦無道穀，恥也。』

憲<sup>△</sup>原思名憲。穀<sup>△</sup>祿也，謂不能有爲，但知食祿也。

『克<sup>△</sup>伐<sup>△</sup>怨<sup>△</sup>，欲<sup>△</sup>不<sup>△</sup>行<sup>△</sup>焉，可以<sup>△</sup>爲<sup>△</sup>仁<sup>△</sup>矣？』子曰：『可以<sup>△</sup>爲<sup>△</sup>難<sup>△</sup>矣，仁<sup>△</sup>則<sup>△</sup>吾<sup>△</sup>不<sup>△</sup>知<sup>△</sup>也。』

克<sup>△</sup>伐<sup>△</sup>……爲<sup>△</sup>仁<sup>△</sup>矣，克<sup>△</sup>，好<sup>△</sup>勝<sup>△</sup>人<sup>△</sup>伐<sup>△</sup>，自<sup>△</sup>矜<sup>△</sup>其<sup>△</sup>功<sup>△</sup>；怨<sup>△</sup>，忿<sup>△</sup>恨<sup>△</sup>；欲<sup>△</sup>，貪<sup>△</sup>欲<sup>△</sup>矣，與「乎」同義，謂不<sup>△</sup>行<sup>△</sup>克<sup>△</sup>伐<sup>△</sup>怨<sup>△</sup>，欲

四者，可以<sup>△</sup>謂<sup>△</sup>之<sup>△</sup>仁<sup>△</sup>乎？此亦原憲問孔子語。仁<sup>△</sup>則<sup>△</sup>吾<sup>△</sup>不<sup>△</sup>知<sup>△</sup>也，不知其可以<sup>△</sup>爲<sup>△</sup>仁<sup>△</sup>否也，意謂其未

至於仁也。

子曰：『士而懷居，不足以爲士矣。』

懷居<sup>△</sup>謂安處所居，而不能奮發也。

子曰：『邦有道，危言危行，邦無道，危行言孫。』

邦有……言孫危，高峻也；行去聲；孫，去聲，順也；言邦有道得行其志，可高峻其言行，邦無道則行可不隨俗，而言則宜孫順以遠害也。

子曰：『有德者必有言，有言者不必有德。仁者必有勇，勇者不必有仁。』

有言者不必有德，徒有言者，未必有德也。勇者不必有仁，徒能勇者，未必有仁也。

南宮适問於孔子曰：『羿善射，奭盪舟，俱不得其死然；禹、稷躬稼，而有天下。』  
夫子不答。

南宮适卽南容。

羿善射，奭盪舟，羿有窮之君，善射，滅夏后相而篡其位，其臣寒浞又殺羿而

代之，奭，春秋傳作澆，浞之子也，力能陸地行舟，後爲夏后少康所誅。

禹、稷躬稼而有天下，禹

平水土，暨稷播種，身親稼穡之事，禹受舜禪而有天下，稷之後，至周武王亦有天下。夫子不答，适之間，蓋欲以羿、稷比當時之有權力者，以禹、稷比夫子，故夫子不答。

南宮适出，子曰：『君子哉！若人！尚德哉！若人！』

尚德，尚貴也；适，鄙羿、稷而美禹、稷，乃賤不義而貴有德，故以尚德稱之。

子曰：『君子而不仁者有矣夫，未有小人而仁者也！』

君子而不仁者有矣夫，言仁道難備，君子而失於不仁，固亦有之。

子曰：『愛之能勿勞乎？忠焉能勿誨乎？』

愛之能勿勞乎，勞，使之勤勞也；謂人有所愛（如父母之愛子），則必使之勤勞，蓋不如是，不足以爲愛也。忠焉能勿誨乎，謂有所忠，則必有以教誨之，使卽善而遠過，蓋不如是，不足以爲忠也。

子曰：『爲命裨諶草創之，世叔討論之，行人子羽修飾之，東里子產潤色之。』

爲命……潤色之命，盟會之辭也；裨諶以下四人，皆鄭大夫，草略也，創造也，謂造爲草藁也；世叔，游吉也，春秋傳作子太叔，討尋究也，論講義也；行人，掌使之官，子羽，公孫揮也，修飾，謂增損之；東里，地名，子產所居也，潤色，謂加以文采也。鄭國之爲辭命，必更此四賢之手而成，詳審精密，各盡所長，以應對諸侯，鮮有敗事。孔子言此，蓋善之也。

或問子產，子曰：『惠人也。』

惠人，惠愛也；子產之政，不專於寬，然其心則一以愛人爲主，故孔子以爲惠人，蓋舉其重而言也。

問子西，曰：『彼哉！彼哉！』

子西，楚公子申。彼哉，猶言無足稱也。子西有遜國之美德，立昭王而改紀其政，亦賢大夫也；

然以囊瓦之貪庸，不能啓悟昭王，使早黜退之，昭王欲用孔子，又沮止之，其後卒召白公，以致禍亂，則其爲人可知矣。

問管仲曰：『人也！奪伯氏駢邑三百，飯疏食，沒齒無怨言。』

人也猶言此人也。奪伯氏……無怨言伯氏，齊大夫駢邑地名，齒年也。蓋桓公奪伯氏之邑

以與管仲，伯氏自知己罪，而心服管仲之功，故窮約以終身而無怨言。荀卿所謂「與之書社三百，而富人莫之敢拒」者，卽此事也。

子曰：『貧而無怨難，富而無驕易。』

子曰：『孟公綽爲趙，魏老則優，不可以爲滕薛大夫。』

孟公綽……大夫公綽，魯大夫；趙，魏，皆晉卿；老，家臣之長，優，有餘也；滕，薛，二國名；公綽蓋廉靜寡欲而短於才者，家老望尊而無官守之責，故優爲之；滕，薛小國，大夫職煩，故不可爲。

子路問成人，子曰：『若臧武仲之知，公綽之不欲，卞莊子之勇，冉求之藝，文之以禮樂，亦可以爲成人矣！』

成人猶言全人。若臧武仲之知……亦可以爲成人矣。臧武仲，魯大夫臧孫紇，知，去聲。公綽，

孟公綽，卞莊子，魯卞邑大夫，言兼此四子之長，則知足以窮理，廉足以養心，勇足以力行，藝足以泛應，而又節之以禮，和之以樂，使德成於內，而文見乎外，則材全德備，可以爲成人矣。

曰：『今之成人者，何必然？見利思義，見危授命，久要不忘平生之言，亦可以爲成人矣！』

曰：復加「曰」字者，孔子既答而復言也。今之成人者，何必然？言今之成人不必備如是之

材德也；蓋成人難得，不得已而思其次也。授命，猶言致命。久要，舊約也。平生，平日也。

子問公叔文子於公明賈，曰：『信乎？夫子不言，不笑，不取乎？』

公叔文子衛大夫公孫拔也。公明賈亦衛人，姓公明名賈。信乎？夫子不言不笑，不取乎？夫

子，指文子；文子爲人，其詳不可知，然必廉靜之士，故當時以不言不笑，不取稱之。夫子疑之，因

有是問。

公孫賈對曰：『以告者過也。夫子時然後言，人不厭其言；樂然後笑，人不厭

其笑；義然後取，人不厭其取。』子曰：『其然，豈其然乎？』

時然後言，謂時當言然後言也。其然，豈其然乎？其然，猶言誠如是也，豈其然乎？猶言豈容如

是乎？既謂得然而復謂其不必然，實疑之也。

子曰：『臧武仲以防求爲後於魯，雖曰不要君，吾不信也。』

以防求爲後於魯，防，武仲所封邑也；武仲爲孟氏所譖，出奔邾，自邾如防，求立後於魯。要君

要，平聲，謂有挾而求也；武仲如防，請立後，以示若不得請，則將據邑以叛，是要君也。

子曰：『晉文公譎而不正，齊桓公正而不譎。』

晉文……不譎，晉文公名重耳，齊桓公名小白，譎，詭也。二公皆諸侯盟主，攘夷狄，以尊周室者也。雖其以力假仁，心皆不正，然桓公伐楚，仗義執言，不由詭道，猶爲彼善於此。文公則伐衛以致楚，而陰謀以取勝，其譎甚矣。二君他事亦多類此，故夫子言此，以發其隱。

子路曰：『桓公殺公子糾，召忽死之，管仲不死。曰：未仁乎？』

桓公……不死，齊襄公無道，鮑叔牙奉公子小白奔莒，及無知弑襄公，管夷吾、召忽奉公子糾奔魯，魯人納之，未克而小白入，是爲桓公，使魯殺子糾，而請管、召、召忽死之，管仲請囚，鮑叔牙言於桓公，以爲相。曰未仁乎，此起子路問詞，故加曰字。子路疑管仲忘君事讎，忍心害理，故有此問。

子曰：『桓公九合諸侯，不以兵車，管仲之力也。如其仁？如其仁？』

九合諸侯，合，會諸侯也；九，與糾通。不以兵車，言不假威力。如其仁，言誰如其仁也？蓋管仲



雖未得爲仁人，而其利澤及人，則有仁之功矣，故孔子深許之。

子貢曰：『管仲非仁者與？桓公殺公子糾，不能死，又相之。』

管仲非仁者與？子貢疑管仲不仁，故有此問。相去聲。

子曰：『管仲相桓公，霸諸侯，一匡天下，民到于今受其賜。微管仲，吾其被髮左衽矣！豈若匹夫匹婦之爲諒也，自經於溝瀆，而莫之知也？』

一匡天下匡，正也；管仲相桓公，帥諸侯以尊周室，一正天下。微無也。被髮左衽被，皮寄反；

衽，衣衿也；被髮左衽，夷狄之俗也。諒，小信也。經，紼也。莫之知人不知也；漢書引此文，

「莫」字上有「人」字。

公叔文子之臣大夫僎，與文子同升諸公，子聞之，曰：『可以爲「文」矣！』

臣家臣。與文子同升諸公言文子薦之，使與己同升爲公朝之臣。可以爲文矣，意謂言行

如是，可以諡爲「文」矣；以諡法錫民爵位爲「文」故也。

子言衛靈公之無道也，康子曰：「夫如是，奚而不喪？」孔子曰：「仲叔圉治

賓客，祝鮀治宗廟，王孫賈治軍旅，夫如是，奚其喪？」

喪失位也。仲叔圉祝鮀王孫賈三人皆衛臣。夫如是，奚其喪？靈公能用三人，各當其才，

雖曰無道，猶不至失位也。

子曰：「其言之不怍，則爲之也難！」

其言……也難言之不怍，猶言大言不慚也；大言不慚，則無必爲之志，而不自度其能否矣，欲

踐其言，豈不難哉？

陳成子弑簡公，孔子沐浴而朝，告於哀公曰：「陳恆弑其君，請討之。」公曰：

『告夫三子。』孔子曰：『以吾從大夫之後，不敢不告也。君曰：「告夫三子者。」』

陳成子弑簡公成子，齊大夫，名恆；簡公，齊君，名壬。事在春秋哀公十四年。三子，季孫、孟孫、叔

孫三家也。時魯政在三家，哀公不得自專，故使孔子告之。以吾從大夫……三子者，孔子出

而自言如此，意謂弑君之賊，法所必討，吾嘗爲大夫，義當告君，君乃不能自命三子，而使我告之邪？

之三子告，不可，孔子曰：『以吾從大夫之後，不敢不告也。』

之往也。不可三子不允其請。以吾從……不告也。孔子應三子語。

子曰：『君子上達，小人下達。』

君子上達，君子循天理，故日進乎高明。小人下達，小人徇人欲，故日究乎污下。

子曰：『古之學者爲己，今之學者爲人。』

爲己欲得之於己。爲人欲見知於人。

蘧伯玉使人於孔子，孔子與之坐而問焉，曰：「夫子何爲？」對曰：「夫子欲寡其過，而未能也。」使者出，子曰：「使乎！使乎！」

蘧伯玉使人於孔子，蘧伯玉，衛大夫，名瑗；孔子居衛，嘗主於其家，既而反魯，故伯玉使人來也；使，去聲。夫子指蘧伯玉。使乎使乎再言「使乎」，重美之也；蓋使者之言愈卑，則其主之賢愈彰，孔子以其善於辭令，故重美之。

子曰：「不在其位，不謀其政。」曾子曰：「君子思不出其位。」

君子思不出其位，此易艮卦之象辭也；曾子因夫子「不在其位，不謀其政」之言，而引此以發明之。

子曰：『君子恥其言而過其行。』

君子……其行謂言過其行，君子所恥也；此與里仁篇「古者言之不出，恥躬之不逮」語意

正同。

子曰：『君子道者三，我無能焉；仁者不憂，知者不惑，勇者不懼。』子貢曰：『夫子自道也。』

君子……能焉君子之道有三，我皆無能也。知去聲。自道，言也；自道，猶云謙辭。

子貢方人，子曰：『賜也賢乎哉？夫我則不暇。』

方人比方人物，較其短長也。賜也賢乎哉？疑辭也，稱其賢而疑其辭，實抑之也。不暇

不暇方人也，務修己而不暇方人也。

子曰：『不患人之不知，患其不能也。』

子曰：『不逆詐，不億不信，抑亦先覺者：是賢乎！』

不逆……是賢乎逆，未至而迎之也；億，未見而意之也；詐，謂人欺己不信，謂人疑己抑轉接連詞，言雖不逆不億，而於人之情僞，自然先覺，乃爲賢也。

微生畝謂孔子曰：『丘何爲是栖栖者與？無乃爲佞乎？』

微生畝，微生姓，畝名。丘何爲……爲佞乎，猶皇皇，不安居之意也；爲佞，言務爲口給以

悅人也；孔子周流無已，不安其居，所至皆以禮義之道陳說人主，微生疑其但爲口才悅時君，故云然也。

孔子曰：『非敢爲佞也，疾固也。』

疾固，疾世固陋，欲行道以化之也；孔子志在救世，不得不干時君，此其所以栖栖也。

子曰：「驥，不稱其力，稱其德也。」

驥不……德也。驥，善馬之名；人之於驥，不稱其任重致遠之力，但稱其調良之德。

或曰：「以德報怨，何如？」子曰：「何以報德？以直報怨，以德報德。」

德謂恩惠。何以報德言於其所怨，既以德報之矣，則人之有德於我者，將何以報之乎？以

直報怨於其所怨，愛憎取舍，一以至公而無私，是爲以直報怨。

子曰：「莫我知也夫！」子貢曰：「何爲其莫知子也？」子曰：「不怨天，不尤人，下學而上達，知我者其天乎！」

莫我知也。夫孔子以己不見用，由世人莫之知，故有此歎。不怨天，不尤人，尤，非也；不得於天，

而不怨天，不合於人，而非人。下學上達，下學人事，上達天命。

公伯寮愬子路於季孫，子服景伯以告曰：『夫子固有惑志於公伯寮，吾力猶能肆諸市朝。』

公伯寮愬子路於季孫，公伯寮，魯人，孔子弟子；愬，譖也；譖，子路於季孫也；時子路爲季氏宰。

子服景伯魯人，子服氏，景謚，伯名，魯大夫子服何也。告，告孔子。夫子指季孫。有惑志於

公伯寮有疑於寮之言也，因寮之言而疑子路也。吾力猶能肆諸市朝肆，陳尸也，大夫以上

於朝，士於市；言吾之力猶能辨子路之無罪於季孫，使之誅寮而肆之。

子曰：『道之將行也與，命也！道之將廢也與，命也！公伯寮其如命何！』

道之將行……其如命何，言道之行廢，皆天所命，若天不廢道，維寮其愬，季孫且不聽之，若天

不欲行道，此自命所受宜然，非關寮愬。

子曰：『賢者辟世，其次辟地，其次辟色，其次辟言。』



辟△同避，去也。辟△世天下無道而隱，若伯夷、太公是也。辟△地去亂國，適治邦也。辟△色禮貌

衰而去也。辟△言有違言而後去耳。辟△世，辟△地，辟△色，辟△言四者，雖以大小次第言之，然非有優

劣也，所遇不同耳。

子路宿於石門，晨門曰：『奚自？』子路曰：『自孔氏。』曰：『是知其不可而爲之者與？』

石門△地名。晨門△主守門晨夜關閉者。奚△自△自從也，問其何所從來也。知△其△不△可△而△爲△之△

言孔子知世不可爲而強爲之也。晨門乃隱遯避世者，故以是譏孔子，不知孔子周流東西，志切救世，其視天下無不可爲之時也。

子擊磬於衛，有荷蕢而過孔氏之門者，曰：『有心哉！擊磬乎！』

磬△樂器。荷△蕢△荷，擔也；蕢△草器也；此荷蕢者，亦隱士也。有△心△哉△擊△磬△乎△言此擊磬之聲，殆有

憂世之心乎！

既而曰：『鄙哉！硜硜乎！莫已知也，斯已而已矣！』「深則厲，淺則揭。」

硜硜石聲，亦專確之意。莫已知也，斯已而已矣。言人既莫已知，則亦可以已矣。此譏孔子不

見用於世，而猶不能自己也。深則厲，淺則揭，厲以衣涉水也；揭，起例反，攝衣涉水也。此二語，

詩衛風匏有苦葉之句也，引之以譏孔子人不知而不知，不能適深淺之宜。

子曰：『果哉！末之難矣！』

果哉，末之難矣。果哉，歎其果於忘世也；末，無也；聖人心同天地，視天下猶一家，中國猶一人，不能一日忘也，故聞荷蕢之言，而歎其果於忘世，且言人之出處，若但如此，則亦無所難矣。

子路問君子，子曰：『修己以敬。』曰：『如斯而已乎？』曰：『修己以安百姓，堯舜其猶病諸！』

敬，敬其身。安人，謂齊家也。安百姓，謂治國平天下也。病，猶言難也。

脛。

原壤夷俟，子曰：『幼而不孫弟，長而無述焉，老而不死，是爲賊。』以杖叩其

原壤，孔子故人，母死登木而歌，蓋老氏之流，自放於禮法之外者。夷，俟，夷，蹲踞也；俟，待也；言

孔子來，蹲踞以待之也。孫弟，並去聲；不孫弟，謂事長上不恭順也。無述，德行無足稱述也。

賊，害也，言其敗常亂俗，爲世賊害也。脛，足骨。

闕黨童子將命，或問之曰：『益者與？』

闕黨，黨名。童子，未冠者之稱。將命，傳賓主之言。益者，與，謂此童子乃求益者乎？

子曰：『吾見其居於位也，見其與先生並行也，非求益者也，欲速成者也。』

居於位，居於成人位也；禮，童子當隅坐，不應居成人位。與先生並行，先生成人也；與成人並

行也；禮，童子當隨行，不應與成人並行。

# 衛靈公第十五

也。』明日遂行。

衛靈公問陳於孔子，孔子對曰：『俎豆之事，則嘗聞之矣；軍旅之事，未之學也。』

陳△去聲，謂軍帥行伍之別。俎△豆△禮器。行△謂去衛。

在陳絕糧，從者病，莫能興。子路慍見曰：『君子亦有窮乎？』子曰：『君子固窮，小人窮斯濫矣！』

在△陳△絕△糧△孔子去衛適陳，會吳伐陳，陳亂，故乏食。從△者△謂弟子；從，去聲。興△起也。見△賢△

反。固窮△固守其窮。濫△溢也，放溢為非也。

子曰：『賜也，女以予為多學而識之者與？』對曰：『然，非與？』

女△以……者與識，音志；子貢之學，多而能識，夫子欲其知所本也，故問以發之。然△非△與△方信

而忽疑，故云爾。

曰：『非也，予一以貫之。』

一以貫之說見里仁篇，特彼以行言，此以知言耳。

子曰：『由，知德者鮮矣！』

由呼子路之名而告之也。知德者鮮矣，德謂義理之得於己者，鮮，上聲，非己有之，不能知其意味之實，故謂知德者少也；此蓋爲子路慍見而發。

子曰：『無爲而治者，其舜也與！夫何爲哉？恭己正南面而已矣。』

無爲而治，無所作爲而天下治也；舜以德化民，又得人以任衆職，故不見其有所爲也。恭己正南面而已矣，恭己敬德之容，南面君位也；言但見舜恭己正南面，不見其有所爲也。

子張問行，子曰：『言忠信，行篤敬，雖蠻貊之邦行矣；言不忠信，行不篤敬，雖州里行乎哉？立，則見其參於前也，在輿，則見其倚於衡也；夫然後行。』

問行問何如則行無往而不自得也。篤厚也。蠻貊蠻，南蠻；貊，北狄。州里萬二千五百家。

爲州，五家爲鄰，五鄰爲里。立則見……然後行其指忠信篤敬而言參，蒼含切，言與我相參。

也；在輿，在車中也；衡，輓也；言其於忠信篤敬，念念不忘，須臾不離，立則見其相參，在車中則見其依於輓，夫能如是，則行無不得矣。

### 子張書諸紳。

書諸紳，大帶之垂者；書之於紳，欲其不忘也。

子曰：『直哉史魚！邦有道如矢，邦無道如矢。』

史魚，衛大夫史猷也。如矢，言直也，矢行最直，故以爲喻。

『君子哉蘧伯玉！邦有道則仕，邦無道則可卷而懷之。』

蘧伯玉注見憲問篇。

卷而懷之卷，收也；懷，藏也；謂避位而去也。

子曰：『可與言而不與之言，失人；不可與言而與之言，失言。知者不失人，亦不失言。』

知去聲。

子曰：『志士仁人，無求生以害仁，有殺身以成仁。』

求生以害仁，害仁，言害其心之德也；理當死而求生，則於其心有不安，故曰害仁。殺身以成仁，當死而死，則心安而德全，故曰成仁。

子貢問爲仁，子曰：『工欲善其事，必先利其器。居是邦也，事其大夫之賢者，友其士之仁者。』

工欲善……士之仁者，工欲善其所爲之事，必先修利其器，爲仁之道，亦猶是也。人欲爲仁，必擇賢而事，擇仁而友，以爲德行之助。

顏淵問爲邦，子曰：『行夏之時，乘殷之輅，服周之冕，樂則韶舞。放鄭聲，遠佞人。鄭聲淫，佞人殆。』

夏之時，謂以建寅之月爲正也；夏以寅爲正，殷以丑爲正，周以子爲正；孔子獨取夏時者，蓋以寅爲正，據見萬物之生，以爲四時之始，取其易知也。殷之輅，輅，大車也；輅之制歷代不同，輅飾以金玉，過侈而易敗，殷輅爲木輅，樸素渾堅，故取之。周之冕，冕，禮冠也；冕制至周始備，以其文而得其中，故取之。韶舞，舜樂也；取其盡美盡善（見八佾篇）。放，罷廢之也。鄭聲，鄭國之音。遠，去聲。佞人，卑諂辯給之人。殆，危也。

子曰：『人無遠慮，必有近憂。』



子曰：『已矣乎！吾未見好德如好色者也！』

子曰：『臧文仲其竊位者與！知柳下惠之賢，而不與立也。』

竊位言不稱其位，而有愧於心，如盜得而陰據之也。

柳下惠魯大夫展獲，字禽，食邑柳下，諡

曰惠。不與立不稱舉之與並立於朝。

子曰：『躬自厚而薄責於人，則遠怨矣。』

躬自厚謂責己厚也。

子曰：『不曰「如之何」，「如之何」者，吾末如之何也已矣！』

不曰……已矣「如之何」，「如之何」者，熟思而審處之辭也；末如之何，無如之何也，猶言

不可教也；臨事而不能審慎，是爲妄人，故以爲不可教也。

子曰：『羣居終日，言不及義，好行小慧，難矣哉！』

小慧謂小小之才知。難矣哉言其終無成也。

子曰：『君子義以爲質，禮以行之，孫以出之，信以成之，君子哉！』

義以爲質以義爲質幹。禮以行之謂行之必以節文。孫以出之孫去聲謂孫順其言語。信以成之守信以成之。

子曰：『君子病無能焉，不病人之不己知也。』

子曰：『君子疾沒世而名不稱焉。』

疾沒世而名不稱，疾終世而善名不稱也；君子學以爲己，不求人知，然終世而名不稱，則無爲善之實可知，故疾之。

子曰：『君子求諸己，小人求諸人。』

子曰：『君子矜而不爭，羣而不黨。』

矜而不爭，莊以持己曰矜，然無乖戾之心，故不爭。羣而不黨，和以處衆曰羣，然無阿比之意，故不黨。

子曰：『君子不以言舉人，不以人廢言。』

不以言舉人，有言者不必有德，故不可以言舉人。不以人廢言，不可以人之無德而廢其善言。

子貢問曰：『有一言而可以終身行之者乎？』子曰：『其「恕」乎！己所不欲，勿施於人。』

己所不欲勿施於人此語乃說明恕之意義。

子曰：『吾之於人也，誰毀誰譽？如有所譽者，其有所試矣。斯民也，三代之所以直道而行也。』

誰毀誰譽猶言無所毀譽也。

如有……所試矣言時或有譽，亦必先有以試之而知其善，非

妄譽也。

斯民……而行也斯民者，今此之人也；三代，夏、商、周也；直道，無私曲也；言吾之所以

無所毀譽者，蓋以此民卽三代之時所以善其善惡其惡而無所私曲之民，故我今亦不得而

枉其是非之實也。

子曰：『巧言亂德，小不忍，則亂大謀。』

巧言亂德，巧言足以變亂是非，聽之使人喪其所守，故曰亂德。

子曰：『衆惡之，必察焉；衆好之，必察焉。』

衆惡之必察焉，衆好之必察焉，好惡並去聲；此論取人之法；蓋衆所惡者未必惡，衆所好者未必善，故不可不察。

子曰：『人能弘道，非道弘人。』

弘，廓而大之也。

子曰：『過而不改，是謂過矣。』

過而……過矣，過而能改則復於無過，唯不改，則其過遂成，而不及改矣。

子曰：『吾嘗終日不食，終夜不寢，以思，無益，不如學也。』

吾嘗……不如學也。此語專爲思而不學者言之，蓋孔子又言「學而不思則罔，思而不學則

殆」（見爲政篇）固學、思並重也。

子曰：『知及之，仁不能守之，雖得之，必失之。知及之，仁能守之，不莊以涖之，則民不敬。知及之，仁能守之，莊以涖之，動之不以禮，未善也。』

知及之「之」字指民言（下「之」字皆同）謂政令條教足以及民也。仁不能守之謂

不能守之以仁也。莊以涖之莊嚴也；涖臨也；謂臨之以威儀也；有威可畏謂之威，有儀可象

謂之儀。動之不以禮謂不能以禮感動於民，使行之也。

子曰：『君子不可小知，而可大受也；小人不可大受，而可小知也。』

君子不可小知……而可小知也。知，我所知也；受，彼所受也。小知，謂於細事有可觀者；大受，謂能任重也。君子於細事未必可觀，而材德足以任重；小人雖器量淺狹，不足任重，而未必無一長可取。

子曰：『民之於仁也，甚於水火；水火，吾見蹈而死者矣，未見蹈仁而死者也。』  
民之於仁……蹈仁而死者也。民之於水火，所賴以生，不可一日無，其於仁也亦然，但水火外物，而仁在己，無水火，不過害人之身，而不仁則失其心，是仁有甚於水火，而尤不可以一日無者也。況水火或有時而殺人，仁則未嘗殺人，亦何憚而不爲哉？

子曰：『當仁不讓於師。』

當仁不讓於師，當仁以仁爲己任也。雖師亦無所遜，言當勇往而必爲也。蓋仁者，人所自有而自爲之，非有爭也，何遜之有？

子曰：『君子貞而不諒。』

貞<sup>△</sup>正也，謂正其道而行也。諒<sup>△</sup>信也，謂不擇是非，而必於信也。

子曰：『事君敬其事而後其食。』

敬<sup>△</sup>其<sup>△</sup>事<sup>△</sup>而<sup>△</sup>後<sup>△</sup>其<sup>△</sup>食<sup>△</sup>，祿也；君子之仕也，有官守者修其職，有言責者盡其忠，皆以敬吾之事而已，不可先有求祿之心也。

子曰：『有教無類。』

有<sup>△</sup>教<sup>△</sup>無<sup>△</sup>類<sup>△</sup>，人有善惡，同宜資教，不以其種類之差而不教之，故曰無類。

子曰：『道不同，不相爲謀。』



道不同如善惡邪正之類。

子曰：『辭達而已矣！』

辭達而已矣，辭取達意而止，不以富麗爲工。

師冕見，及階，子曰：『階也。』及席，子曰：『席也。』皆坐，子告之曰：『某在斯，某在斯。』

師冕，師樂師，瞽者，名冕。

某在斯，某在斯，再言「某在斯」，歷舉在坐之人以詔之也。

師冕出，子張問曰：『與師言之道與？』子曰：『然，固相師之道也。』

固相師之道，相去聲，助也；古者瞽必有相，其道如此。

# 季氏第十六

季氏將伐顓臾，冉有、季路見於孔子曰：『季氏將有事於顓臾。』孔子曰：『求，無乃爾是過與？夫顓臾，昔者先王以爲東蒙主，且在邦域之中矣，是社稷之臣也，何以伐爲？』

顓臾國名，魯附庸也；顓，音專，臾，音俞。冉有、季路時二人皆爲季氏宰。見賢遍反。求無乃

爾是過與？冉有爲季氏聚斂（見先進篇）尤用事，故孔子獨責之。東蒙主，東蒙，山名，先王

封顓臾於此，使主其祭。在邦域之中，魯地七百里，顓臾爲附庸，在其域中。社稷猶云公家。

冉有曰：『夫子欲之，吾二臣者，皆不欲也。』孔子曰：『求，周任有言曰：『陳力就列，不能者止；危而不持，顛而不扶，則將焉用彼相矣？且爾言過矣！虎兕出於柙，龜玉毀於櫝中，是誰之過與？』』

夫子指季氏。周任古之良史。陳力就列不能者止，列，位也；止，謂去位也；言當陳其才力，度

己所任，以就其位，不能，則當去位。孔子引此語，意謂二子不欲，則當諫，諫而不聽，則當去也。危而……彼相矣，相去聲，替者之相也；矣，與「乎」字同義；言替者將有顛危，則須相者扶持之，不然，何用相爲？此孔子設譬以曉二子也。虎兇……過與兇，野牛也；桺，檻也；龜，謂守龜；玉謂命圭；言虎兇在桺而逸，龜玉在櫝而毀，典守者不得辭其過；明二子居其位而不去，則季氏之惡，己不得不任其責也。

冉有曰：『今夫顓臾，固而近於費，今不取，後世必爲子孫憂。』孔子曰：『求，君子疾夫舍曰欲之而必爲之辭。丘也聞有國有家者，不患寡而患不均，不患貧而患不安；蓋均無貧，和無寡，安無傾。夫如是，故遠人不服，則修文德以來之，既來之，則安之。今由與求也，相夫子，遠人不服而不能來也，邦分崩離析而不能守也，而謀動干戈於邦內，吾恐季孫之憂，不在顓臾，而在蕭牆之內也。』

固，謂城郭完固。費，季氏之私邑。君子疾夫……爲之辭，欲謂貪其財，言舍其貪利之說，而更作他辭，乃君子所憎疾也。寡，謂人民寡少。均，謂班爵祿，制田里，皆均平也。來之，謂召

來之也。安之謂施以教養之術，使之各遂其生也。相夫子謂輔相季氏也；相，去聲。分崩離析指四分公室，家臣屢叛而言。在蕭牆之內蕭牆，屏也；言內變將作也。

孔子曰：『天下有道，則禮樂征伐，自天子出；天下無道，則禮樂征伐，自諸侯出。自諸侯出，蓋十世希不失矣！自大夫出，五世希不失矣！自陪臣執國命，三世希不失矣！』

禮樂征伐自天子出案中庸云：『非天子，不議禮，不制度，雖有其德，苟無其位，不敢作禮樂焉；孟子盡心下云：『征者，上伐下也，敵國不相征也。』則禮樂征伐，皆宜自天子出。十世希不失矣，希，少也；諸侯專政，至於十世，而不失其位者，少矣。陪臣家臣也。

『天下有道，則政不在大夫；天下有道，則庶人不議。』

政不在大夫言大夫不得專政。庶人不議上無失政，則下無私議，非箝其口使不敢言也。

孔子曰：『益者三友，損者三友。友直，友諒，友多聞，益矣；友便辟，友善柔，友便佞，損矣。』

友直，友諒，友多聞，友直則聞其過，友諒則進於誠，友多聞則進於明。便辟，便習熟也，謂習於威儀而不直，使平聲；辟，婢亦反。善柔，謂工於媚說而不諒。便佞，謂習於口語而無聞見之實，便，平聲。

孔子曰：『益者三樂，損者三樂。樂節禮樂，樂道人之善，樂多賢友，益矣；樂驕樂，樂佚遊，樂宴樂，損矣。』

樂，此章十一樂字，惟「禮樂」之樂音岳，他皆音洛。節，禮樂動得禮樂之節也。驕，樂恃尊貴以自恣。佚遊，出入無節也。宴樂，荒沉於酒也。

孔子曰：『君子有三戒：少之時，血氣未定，戒之在色；及其壯也，血氣方剛，戒

之在鬪；及其老也，血氣既衰，戒之在得。』

壯三十曰壯。得貪得。

孔子曰：『生而知之者，上也；學而知之者，次也；困而學之，又其次也；困而不學，民斯爲下矣！』

困謂有所不通。困而不學，民斯爲下矣。言有所不通，而復不學以求知，斯爲最下矣。蓋生知、學知以至困學，雖資質不同，然及其知之一也，困而不學，將終於愚昧，故爲最下。

孔子曰：『君子有九思：視思明，聽思聰，色思溫，貌思恭，言思忠，事思敬，疑思問，忿思難，見得思義。』

有九思言有九事當用心思慮，使合禮義也。色見於面者。貌舉身而言。忿思難難，去聲，患難也。言忿怒之時，當思及未來之患難也。見得思義言若有所取，當思其合義與否，不可

苟取也。

孔子曰：「見善如不及，見不善如探湯。」吾見其人矣，吾聞其語矣。」

如不及，恐已有所不及也。探湯，言人之探試熱湯，其去之必速，以喻見惡而去之疾也。見其人，謂今尙見有如是之人也。語謂古語。

「隱居以求其志，行義以達其道。」吾聞其語矣，未見其人也。」

求其志，守其所達之道也。達其道，行其所求之志也。未見其人，謂今無其人，故未之見也。

陳亢問於伯魚曰：「子亦有異聞乎？」對曰：「未也。嘗獨立，鯉趨而過庭，曰：『學詩乎？』對曰：『未也。』不學詩，無以言。」鯉退而學詩。他日又獨立，鯉趨而過庭，曰：『學禮乎？』對曰：『未也。』不學禮，無以立。」鯉退而學禮。聞斯二者。」

陳亢注見學而篇。

伯魚名鯉，孔子之子。

異聞謂有異教獨聞之也。陳亢疑孔子獨厚其子，

故以爲必有異教爲伯魚所獨聞者。

獨立謂孔子獨立時。

不學詩無以言明於詩，則事理

通達，心氣和平，故能言。

不學禮無以立習於禮，則品節詳明，德行堅定，故能立。

陳亢退而喜曰：『問一得三，聞詩，聞禮，又聞君子之遠其子也。』

遠其子非謂疏遠其子也，謂進見有時，接遇有禮，不朝夕嘻嘻，相褻狎也。遠，去聲。



# 陽貨第十七

陽貨欲見孔子，孔子不見，歸孔子豚。孔子時其亡也，而往拜之，遇諸塗。

陽貨，季氏家臣，名虎，嘗囚季桓子而專國政。歸孔子豚，饋也。豚，小豕。陽貨欲孔子往謝，故

饋之豚。時其亡也，而往拜之時，伺也。伺，陽貨不在家時而往謝之。塗，道也。

謂孔子曰：『來，予與爾言！』曰：『懷其寶而迷其邦，可謂仁乎？』曰：『不可。』

『好從事而亟失時，可謂知乎？』曰：『不可。』『日月逝矣，歲不我與！』孔子曰：

『諾，吾將仕矣。』

懷其寶而迷其邦，可謂仁乎？謂懷藏道德，不救國之迷亂，不得爲仁也。此陽貨之言。好從事

而亟失時，可謂知乎？亟，知，並去聲。亟，數也。失時，失時機也。謂孔子栖皇皇好從事，而數不

遇，不可謂知也。此亦陽貨之言。日月逝矣，歲不我與，言歲月已往，不復留待我也。意謂孔子

年已老，當急求仕。此亦陽貨之言。吾將仕矣，將，且然而未必之辭。貨語皆譏孔子，而諷使速

仕，孔子固未嘗如此，而亦非不欲仕也，但不仕於貨耳，故直據理答之，不復與辯，若不喻其意者。

子曰：『性相近也，習相遠也。』

性……遠也。言人性不相遠，但習於善則善，習於惡則惡，於是始相遠耳。

子曰：『唯上知與下愚不移。』

唯上……不移，知，去聲。此承上章而言人性相近之中，又有美惡一定而非習之所能移者。

子之武城，聞弦歌之聲，夫子莞爾而笑曰：『割雞焉用牛刀？』

弦歌，弦，琴瑟也；時子游爲武城宰，以禮樂爲教，故邑人皆弦歌也。

莞爾，小笑貌。

割雞焉用

牛刀，言其治小邑何必用此大道也！

也。」  
子游對曰：「昔者偃也聞諸夫子曰：『君子學道則愛人，小人學道則易使也。』」

君子……易使也。君子，小人以位言道，謂禮樂也。言在位者學禮樂，自知相親相敬之道，故愛人；在下者學禮樂，則知事貴敬上之道，故易爲上所使。意謂君子小人均不可不學禮樂，故武城雖小，亦不敢忽禮樂之教。

子曰：「二三子，偃之言是也；前言戲之耳。」

前言戲之耳。前謂其「割雞焉用牛刀」，乃反言以相戲耳。

公山弗擾以費畔，召，子欲往；子路不說曰：「末之也已！何必公山氏之之也？」  
公山弗擾，季氏宰，與陽貨共執桓子，據邑以叛。召孔子。說同悅。末之……之之也，末無也之，往也；言道旣不行，無所往矣，何必公山氏之往乎？

子曰：「夫召我者，而豈徒哉？如有用我者，吾其爲東周乎！」

豈徒哉豈徒然召我哉？意謂必用我也。爲東周言與周道於東方。

子張問仁於孔子，孔子曰：『能行五者於天下，爲仁矣。』請問之。曰：『恭、寬、信、敏、惠，恭則不侮，寬則得衆，信則人任焉，敏則有功，惠則足以使人。』

不侮謂不爲人所侮慢。得衆謂爲衆所歸。任倚仗也。敏則有功應事敏捷則多成功。

佛肸召，子欲往，子路曰：『昔者由也聞諸夫子曰：「親於其身爲不善者，君子不入也。」佛肸以中牟畔，子之往也，如之何？』

佛肸晉大夫趙氏之中牟宰也。佛音弼。召召孔子。親於其身爲不善者親自也；言其身自

爲不善之事者。不入不入其黨。以中牟畔謂據中牟以畔。如之何之，指佛肸言佛肸已

畔，已雖往，如彼不善何也？

子曰：『然，有是言也。不曰「堅乎磨而不磷」，不曰「白乎涅而不緇」，吾

豈匏瓜也哉？焉能繫而不食？

不曰堅……不緇磷，薄也；涅，水中黑土，可以染皂者；緇，黑色；言人豈不曰至堅者磨之而不薄，至白者染之於涅而不黑乎？意謂佛肸之不善，不能挽己也。吾豈……不食匏，瓠也，謂之匏瓜者，匏亦瓜類也；言匏瓜空懸繫而不能食，吾豈如是哉？

子曰：『由也，女聞六言六蔽矣乎？』對曰：『未也。』

女同汝。六言謂下舉仁、知、信、直、勇、剛六者。六蔽謂仁、知、信、直、勇、剛六者各有所蔽也；蔽，塞蔽也，言不能通明，滯於一隅，如有物壅蔽之也。

『居，吾語女！好仁不好學，其蔽也愚；好知不好學，其蔽也蕩；好信不好學，其蔽也賊；好直不好學，其蔽也絞；好勇不好學，其蔽也亂；好剛不好學，其蔽也狂。』

居，命之坐也；子路起對，故使還坐。語去聲，告也。蕩，謂窮高務遠而無所止。賊，謂傷害於物。絞，急切也。狂，躁率也。

子曰：『小子何莫學夫詩？詩可以興，可以觀，可以羣，可以怨。邇之事父，遠之事君，多識於鳥獸草木之名。』

小子弟子。

興，謂感發志氣。

觀，謂考見得失。

羣，謂和而不流。

怨，謂怨而不怒。

邇之事

父，遠之事君，人倫之道。詩無不備，事君、事父二者，乃舉重而言。多識於鳥獸草木之名，詩人

多記鳥獸、草木之名，以為比興，故學詩足以多識於此鳥獸、草木之名。

子謂伯魚曰：『女爲周南、召南矣乎？人而不爲周南、召南，其猶正牆面而立也與！』

女同汝。

爲，猶言學也。

周南、召南，詩國風首篇名，所言皆修身齊家之事。

正牆面而立，向

牆而立也，言一物無所見也。與，平聲。

牆而立也，言一物無所見也。

與，平聲。

子曰：『禮云，禮云，玉帛云乎哉？樂云，樂云，鐘鼓云乎哉？』

禮云……鐘鼓云乎哉？敬而將之以玉帛則爲禮，和而發之以鐘鼓則爲樂，遺其本而專事其末，則豈禮、樂之謂哉？

子曰：『色厲而內荏，譬諸小人，其猶穿窬之盜也與！』

色厲而內荏，威嚴也；荏，柔弱也；言外威嚴而內柔弱也。小人謂細民。穿窬之盜，穿壁窬牆，言穿壁踰牆之盜也。色厲內荏者，徒具其表而虛其內，常畏人知，故比之穿窬之盜。

子曰：『鄉原，德之賊也！』

鄉原，同愿，謹厚也；謂鄉人之謹厚者也。德之賊，鄉原同流合污，以媚於世，故在一鄉之中，獨以原稱，夫子以其似德非德，而反亂乎德，故以爲德之賊。

子曰：『道聽而塗說，德之棄也！』

道聽而塗說，亦道也；言聞之於道路，則於道路傳而說之。德之棄謂自棄其德也；蓋君子

多識前言往行以蓄其德，道聽塗說，則棄之矣！一說：德之棄，謂爲有德者所棄。

子曰：『鄙夫可與事君也與哉？其未得之也，患得之，既得之，患失之。苟患失之，無所不至矣！』

鄙夫庸惡陋劣之稱。與「也與哉」之「與」平聲。之五「之」字皆指祿位。無所不

至猶言無所不爲；蓋既患失之，小則吮癰舐痔，大則弑父與君，無所不爲也。

子曰：『古者民有三疾，今也或是之亡也！古之狂也肆，今之狂也蕩；古之矜也廉，今之矜也忿戾；古之愚也直，今之愚也詐而已矣。』

今也或是之亡也，指古之三疾；言古之所謂疾，今已亡之也；蓋傷俗之益衰，今不如古也。狂



謂志願太高。肆謂不拘小節。蕩謂放縱乎禮法之外。矜謂持守太嚴。廉謂棱角峭厲。忿戾忿怒、乖戾。

子曰：『惡紫之奪朱也，惡鄭聲之亂雅樂也，惡利口之覆邦家者。』

惡去聲。雅正也。覆傾敗也。

子曰：『予欲無言！』子貢曰：『子如不言，則小子何述焉？』子曰：『天何言哉？四時行焉，百物生焉。天何言哉？』

予欲無言，夫子本以身教，恐弟子徒以言求之，故欲無言以發弟子之悟。四時行謂春、夏、秋、冬四時相運行也。

孺悲欲見孔子，孔子辭以疾。將命者出戶，取瑟而歌，使之聞之。

孺<sup>△</sup>悲<sup>△</sup>魯<sup>△</sup>人，嘗<sup>△</sup>學<sup>△</sup>士<sup>△</sup>喪<sup>△</sup>禮<sup>△</sup>於<sup>△</sup>孔<sup>△</sup>子。辭<sup>△</sup>以<sup>△</sup>疾<sup>△</sup>不<sup>△</sup>欲<sup>△</sup>見<sup>△</sup>之，故<sup>△</sup>辭<sup>△</sup>以<sup>△</sup>疾。將<sup>△</sup>命<sup>△</sup>者<sup>△</sup>傳<sup>△</sup>語<sup>△</sup>者。取<sup>△</sup>悲<sup>△</sup>……聞<sup>△</sup>之<sup>△</sup>取<sup>△</sup>悲<sup>△</sup>而<sup>△</sup>歌<sup>△</sup>，使<sup>△</sup>之<sup>△</sup>聞<sup>△</sup>之<sup>△</sup>者，意<sup>△</sup>在<sup>△</sup>使<sup>△</sup>其<sup>△</sup>知<sup>△</sup>己<sup>△</sup>之<sup>△</sup>非<sup>△</sup>疾<sup>△</sup>也；當<sup>△</sup>時<sup>△</sup>孺<sup>△</sup>悲<sup>△</sup>必<sup>△</sup>有<sup>△</sup>以<sup>△</sup>得<sup>△</sup>罪<sup>△</sup>者<sup>△</sup>，故<sup>△</sup>辭<sup>△</sup>以<sup>△</sup>疾，而<sup>△</sup>又<sup>△</sup>使<sup>△</sup>知<sup>△</sup>其<sup>△</sup>非<sup>△</sup>疾<sup>△</sup>，以<sup>△</sup>警<sup>△</sup>教<sup>△</sup>之<sup>△</sup>也。

宰我問：『三年之喪，期已久矣！君子三年不爲禮，禮必壞，三年不爲樂，樂必崩。舊穀既沒，新穀既升，鑽燧改火，期可已矣。』

期<sup>△</sup>已<sup>△</sup>久<sup>△</sup>矣<sup>△</sup>，期<sup>△</sup>，音<sup>△</sup>基<sup>△</sup>，周<sup>△</sup>年<sup>△</sup>也；言<sup>△</sup>喪<sup>△</sup>服<sup>△</sup>周<sup>△</sup>年<sup>△</sup>已<sup>△</sup>嫌<sup>△</sup>其<sup>△</sup>久<sup>△</sup>，何<sup>△</sup>必<sup>△</sup>三<sup>△</sup>年<sup>△</sup>？三<sup>△</sup>年<sup>△</sup>不<sup>△</sup>爲<sup>△</sup>禮<sup>△</sup>，言<sup>△</sup>居<sup>△</sup>喪<sup>△</sup>三<sup>△</sup>年<sup>△</sup>，不<sup>△</sup>克<sup>△</sup>習<sup>△</sup>風<sup>△</sup>。三<sup>△</sup>年<sup>△</sup>不<sup>△</sup>爲<sup>△</sup>樂<sup>△</sup>，言<sup>△</sup>居<sup>△</sup>喪<sup>△</sup>三<sup>△</sup>年<sup>△</sup>，不<sup>△</sup>克<sup>△</sup>習<sup>△</sup>樂<sup>△</sup>。舊<sup>△</sup>穀<sup>△</sup>……可<sup>△</sup>已<sup>△</sup>也<sup>△</sup>，沒<sup>△</sup>，盡<sup>△</sup>也；升<sup>△</sup>，登<sup>△</sup>也；燧<sup>△</sup>，取<sup>△</sup>火<sup>△</sup>之<sup>△</sup>木<sup>△</sup>；改<sup>△</sup>火<sup>△</sup>，謂<sup>△</sup>春<sup>△</sup>取<sup>△</sup>榆<sup>△</sup>柳<sup>△</sup>之<sup>△</sup>火<sup>△</sup>，夏<sup>△</sup>取<sup>△</sup>棗<sup>△</sup>杏<sup>△</sup>之<sup>△</sup>火<sup>△</sup>，季<sup>△</sup>夏<sup>△</sup>取<sup>△</sup>桑<sup>△</sup>柘<sup>△</sup>之<sup>△</sup>火<sup>△</sup>，秋<sup>△</sup>取<sup>△</sup>柞<sup>△</sup>櫨<sup>△</sup>之<sup>△</sup>火<sup>△</sup>，冬<sup>△</sup>取<sup>△</sup>槐<sup>△</sup>檀<sup>△</sup>之<sup>△</sup>火<sup>△</sup>也；言<sup>△</sup>一<sup>△</sup>期<sup>△</sup>之<sup>△</sup>間<sup>△</sup>，舊<sup>△</sup>穀<sup>△</sup>沒<sup>△</sup>而<sup>△</sup>新<sup>△</sup>穀<sup>△</sup>成<sup>△</sup>，由<sup>△</sup>鑽<sup>△</sup>燧<sup>△</sup>者<sup>△</sup>亦<sup>△</sup>已<sup>△</sup>改<sup>△</sup>變<sup>△</sup>其<sup>△</sup>出<sup>△</sup>火<sup>△</sup>之<sup>△</sup>木<sup>△</sup>；天<sup>△</sup>運<sup>△</sup>一<sup>△</sup>周<sup>△</sup>，時<sup>△</sup>物<sup>△</sup>皆<sup>△</sup>變<sup>△</sup>，故<sup>△</sup>喪<sup>△</sup>禮<sup>△</sup>至<sup>△</sup>此<sup>△</sup>，亦<sup>△</sup>可<sup>△</sup>止<sup>△</sup>矣。

子曰：『食夫稻，衣夫錦，於女安乎？』曰：『安。』

女同汝。食夫……安乎禮！父母之喪，既殯，食粥麤衰，既葬，疏食水飲，受以成布，期而小祥，始食菜菹，練冠纁緣，要經不除，無食稻衣錦之理。夫子欲宰我，反求諸心，自得其所以不忍者，故問之以此。

『女安則爲之！夫君子之居喪，食旨不甘，聞樂不樂，居處不安，故不爲也。今女安，則爲之！』

女安則爲之……今女安則爲之。此夫子之言。旨亦甘也。聞樂不樂上「樂」字音岳，下音洛。

宰我出，子曰：『予之不仁也！子生三年，然後免於父母之懷。夫三年之喪，天下之通喪也。予也有三年之愛於其父母乎？』

予也有三年之愛於其父母乎？三年之喪，所以報親德，今宰我欲減之，足見其愛親者至薄矣。

子曰：『飽食終日，無所用心，難矣哉！不有博奕者乎？爲之猶賢乎已！』

博局戲也。奕圍棋也。爲之猶賢乎已已止也；言若爲博奕之事，猶勝於無所爲也；蓋博奕

之事，亦須用心，夫子非教人博奕，所以甚言無所用心之不可耳。

子路曰：『君子尙勇乎？』子曰：『君子義以爲上，君子有勇而無義爲亂，小

人有勇而無義爲盜。』

君子有勇……爲盜君子，指在位者；小人，指在下者；故有勇而無義，一則足以爲亂，一則爲盜。

子貢曰：『君子亦有惡乎？』子曰：『有惡，惡稱人之惡者，惡居下流而訕上者，惡勇而無禮者，惡果敢而窒者。』

惡此章十一「惡」字，除「稱人之惡者」之「惡」字外，皆去聲。居下流而訕上在下位

而謗毀在上者。窒不通也。

曰：「賜也亦有惡乎？」「惡微以爲知者，惡不孫以爲勇者，惡訐以爲直者。」  
惡<sup>△</sup>微<sup>△</sup>……爲<sup>△</sup>直<sup>△</sup>者<sup>△</sup>此<sup>△</sup>子<sup>△</sup>貢<sup>△</sup>之<sup>△</sup>言<sup>△</sup>。微<sup>△</sup>伺<sup>△</sup>察<sup>△</sup>也。知<sup>△</sup>去<sup>△</sup>聲。孫<sup>△</sup>去<sup>△</sup>聲。訐<sup>△</sup>攻<sup>△</sup>發<sup>△</sup>人<sup>△</sup>之<sup>△</sup>陰<sup>△</sup>私<sup>△</sup>。

子曰：「年四十而見惡焉，其終也已！」

年<sup>△</sup>四<sup>△</sup>十<sup>△</sup>……也<sup>△</sup>已<sup>△</sup>惡<sup>△</sup>，去<sup>△</sup>聲；言<sup>△</sup>四<sup>△</sup>十<sup>△</sup>成<sup>△</sup>德<sup>△</sup>之<sup>△</sup>時<sup>△</sup>，見<sup>△</sup>惡<sup>△</sup>於<sup>△</sup>人<sup>△</sup>，則<sup>△</sup>止<sup>△</sup>於<sup>△</sup>此<sup>△</sup>矣<sup>△</sup>！蓋<sup>△</sup>勉<sup>△</sup>人<sup>△</sup>及<sup>△</sup>時<sup>△</sup>遷<sup>△</sup>善<sup>△</sup>改<sup>△</sup>過<sup>△</sup>也。

# 微子第十八

微子去之，箕子爲之奴，比干諫而死。孔子曰：『殷有三仁焉。』

微子<sup>△</sup>……而死<sup>△</sup>微<sup>△</sup>箕<sup>△</sup>，二國名，子爵也；微子紂庶兄；箕子<sup>△</sup>，比干紂諸父；微子見紂無道，去之以存

宗祀；箕子<sup>△</sup>，比干皆諫，紂殺比干，因箕子以爲奴；箕子因佯狂而受辱。三仁<sup>△</sup>三人行不同，而

同出於至誠惻怛之意，不嘖乎愛之理而有以全其心之德，故謂之仁。

柳下惠爲士師，三黜，人曰：『子未可以去乎？』曰：『直道而事人，焉往而不三黜？枉道而事人，何必去父母之邦？』

士師<sup>△</sup>獄官。三黜<sup>△</sup>，退也；言三被黜退，仍爲此官而不去也。直道<sup>△</sup>……父母之邦<sup>△</sup>，言直道爲

世所不容，苟直道以事人，則所至俱不免於三黜；若枉道以事人，則在父母之邦，亦不見黜，何

必去之乎？

齊景公待孔子曰：『若季氏則吾不能，以季、孟之間待之。』曰：『吾老矣，不能也！』孔子行。

待遇也，謂以祿位接遇之也。若季氏則吾不能，魯三卿，季氏爲上卿，位最高，言吾不能以上

卿之禮待孔子，若魯之待季氏。季、孟之間，謂位在季、孟之間也；季氏爲上卿，孟氏爲下卿。

吾老矣，不能用也。此亦景公言也。景公既言所以待孔子之意，復爲此言，意謂吾雖悅孔子之

道，惜吾年已老，不能用也。行去齊也；孔子以景公不能用其道而去，非關待之輕重，蓋待以

季、孟之間，固不爲薄也。

齊人歸女樂，季桓子受之，三日不朝，孔子行。

齊人歸女樂，歸饋也。案史記孔子世家：定公十四年，孔子爲魯司寇，攝行相事，齊人懼，歸女樂

以沮之。季桓子受之，桓子魯大夫季孫斯受之，謂使定公受齊女樂。不朝，謂定公不朝。

行謂去魯也；定公受女樂而怠於政事，孔子知其不足有爲，故去魯。

楚狂接輿，歌而過孔子曰：『鳳兮！鳳兮！何德之衰！往者不可諫，來者猶可追。已而已而！今之從政者殆而！』

楚狂……過孔子接輿，楚人，佯狂避世；孔子時將適楚，故接輿歌而過其車前也。鳳兮……之衰，鳳，有道則見，無道則隱，接輿以比孔子，而譏其不能隱爲德衰也。往者……可追，諫，止也；言已往所行者，不可復諫止，自今以來，猶可追而自止也。已而已而，語詞，猶言休矣，休矣，謂宜歸隱也。殆，危也。

孔子下，欲與之言；趨而辟之，不得與之言。

下下車。趨而辟之，辟，去聲；謂接輿疾行而避孔子。

長沮、桀溺耦而耕，孔子過之，使子路問津焉。



長沮桀溺二人皆隱者。耦並耕也。津濟渡處。

長沮曰：『夫執輿者爲誰？』子路曰：『爲孔丘。』曰：『是魯孔丘與？』曰：『是也。』曰：『是知津矣！』

執輿執轡在車也。知津言周流不已，自知津處，蓋譏之也。

問於桀溺，桀溺曰：『子爲誰？』曰：『爲仲由。』曰：『是魯孔丘之徒與？』對曰：『然。』曰：『滔滔者天下皆是也，而誰以易之？且而與其從辟人之士也，豈若從辟世之士哉？』耷而不輟。

滔滔者天下皆是滔滔，流而不反之意；一說同悒悒，亂貌，言天下皆亂也。誰以易之，誰謂當

時諸侯以與也，易治也；言當時諸侯皆無賢者，將誰與治之哉？而（「且而」之「而」）

汝也，謂子路。辟人之士謂孔子，辟去聲，下同。辟世之士桀溺自謂。耷而不輟，耷覆種也；

覆種不止，不告以津處。

子路行以告，夫子憮然曰：『鳥獸不可與同羣，吾非斯人之徒與而誰與？』

下有道，丘不與易也。」

惘然悵然。

鳥獸不可與同羣，言不可絕人逃世，與鳥獸同羣也。

吾非……而誰與斯人，謂

當時君民；言吾不與斯人同羣，而誰與同羣哉？

天下……易也，易治也；言天下若已平治，則

吾無用治之，正為天下無道，故欲治之耳。

子路從而後，遇丈人以杖荷蓀，子路問曰：「子見夫子乎？」丈人曰：「四體

不勤，五穀不分，孰為夫子？」植其杖而芸。

從而後言從夫子行，不相及而獨在後。

蓀竹器。

四體……不分，辨也；言不勤勞四肢，不

辨五穀也；責其不事農業而從師遠遊也。

植立之也。

芸去草。

子路拱而立，止子路宿，殺雞為黍而食之，見其二子焉。明日，子路行以告，子

曰：「隱者也。」使子路反見之，至則行矣。

拱而立知其隱者而敬之，故拱手而立。

食音嗣。

見（「見其二子」之「見」）賢遍反。

告告夫子。

子路曰：『不仕無義。長幼之節，不可廢也。君臣之義，如之何其廢之？欲潔其身而亂大倫。君子之仕也，行其義也。道之不行，已知之矣！』

不仕無義……已知之矣。此子路述夫子之言。不仕無義，謂不仕則無君臣之義。長幼之

節不可廢也。言長幼之節之不可廢，乃丈人所知也。蓋丈人之接子路甚倨，而子路益恭，丈人

因見其二子焉，是於長幼之節，固知其不可廢也。亂大倫，不仕則無君臣之義，故爲亂倫。

道之不行，已知之矣。謂今者道之不得行，固早知之矣，特義之所在，不可不仕也。

# 子張第十九

子張曰：「士見危致命，見得思義，祭思敬，喪思哀，其可已矣！」

致命謂委致其命，猶言授命也。其可已矣，猶言庶可以爲士矣！

子張曰：「執德不弘，信道不篤，焉能爲有焉能爲亡？」

執德不弘，大也；謂有所得而守之太狹也。信道不篤，篤，厚也，固也；謂有所聞而信之不固也。焉能爲有，焉能爲亡，同無；謂無所輕重也；謂世無此人則不足爲輕，有此人亦不足爲重也。

子夏之門人問交於子張，子張曰：「子夏云何？」對曰：「子夏曰：『可者與之，其不可者拒之。』」

交謂與人交接之道。可者可與交接者。與之交接之。

子張曰：『異乎吾所聞！君子尊賢而容衆，嘉善而矜不能。我之大賢與，於人何所不容？我之不賢與，人將拒我，如之何其拒人也？』

嘉美也。矜憐也。與（「賢與」之「與」）平聲。

子夏曰：『日知其所亡，月無忘其所能，可謂好學也已矣！』

日知其所亡，謂知新也。亡，同無；所亡，所未聞也。月無忘其所能，謂溫故也。

子夏曰：『博學而篤志，切問而近思，仁在其中矣。』

篤志，謂專心於學也。切問，切問於己所學未悟之事。近思，近思己所能及之事。仁在其中。

中言仁卽在此博學、篤志、切問、近思四者之中也；四者皆學問思辨之事耳，未及乎力行而爲仁也，然從事於此，則心不外馳，而所存自熟，故曰仁在其中矣。

子夏曰：『百工居肆以成其事，君子學以致其道。』

百工……其道肆，謂官府造作之處（一說：市肆也）致，極也；言君子必勤於學而後可以致其道，猶之百工必居於肆而後能精其業成其事也。

子夏曰：『小人之過也必文。』

文飾也。

子夏曰：『君子有三變：望之儼然，卽之也溫，聽其言也厲。』

望之謂遠望之。儼然謂貌之莊。卽之卽就也；在近就見之。溫謂色之和。厲謂辭之確。

子夏曰：『君子信而後勞其民，未信則以爲厲己也；信而後諫，未信則以爲

謗己也。』

信而後勞……厲己也。此言使民之道。厲，病也。言君子恭在上位，當先示信於民，然後勞役其民，則民忘其苦。若誠信未孚而使勞役之，則民必以爲病己。信而後諫……謗己也。此言事上之道。言若爲人臣，當先忠於君，待君信己而後可諫君之失。君未信己而便稱君過失以諫，諍之則君必以爲謗己。

子游曰：『子夏之門人小子，當洒掃應對進退，則可矣。抑末也，本之則無。如之何？』

子夏……則無言子夏之弟子於威儀容節之間則可矣。然此特末務耳，未得其本。蓋子游習於禮樂，以學道爲本，而以洒掃應對進退爲禮儀之末，故譏子夏爲失教法。

子夏聞之曰：『噫！言游過矣。君子之道，孰先傳焉？孰後倦焉？譬諸草木，區以別矣。君子之道焉可誣也？有始有卒者，其惟聖人乎！』

言游卽子游，姓言，名偃。君子之道……其惟聖人乎倦，如誨人不倦之倦，區猶類也；言君子之道，非以其末爲先而傳之，非以其本爲後而倦教，但學者所至，自有淺深，如草木之有大小，其類固有別矣。若不量其淺深，不問其生熟，而概以高且遠者強而語之，則是誣之而已，君子之道，豈可如此？若夫始終本末，一以貫之，則惟聖人爲然，豈可責之門人小子乎？

子夏曰：『仕而優則學，學而優則仕。』

仕而……則仕優，有餘力也；爲官盡職而有餘力，則及於學，學已成而有餘力，則出而仕。蓋仕而學，則所以資其事者益深，學而仕，則所以驗其學者益廣也。

子游曰：『喪致乎哀而止。』

喪致乎哀而止，致，極也；致乎哀，猶言盡哀也；喪以盡哀爲已足，不尙文飾也。



子游曰：『吾友張也爲難能也，然而未仁。』

張子張。難能謂有難及之處。

曾子曰：『堂堂乎張也！難與並爲仁矣！』

堂堂謂容儀盛也。難與並爲仁，言其務外自高，不可輔而爲仁，亦不能有以輔人之仁也。

曾子曰：『吾聞諸夫子：「人未有自致者也，必也親喪乎！」』

致謂致盡其誠。

曾子曰：『吾聞諸夫子：「孟莊子之孝也，其他可能也，其不改父之臣與父之政，是難能也。」』

孟莊子魯大夫，名速。不改父之臣與父之政，莊子父獻子有賢德，而莊子能用其臣，守其政。

孟氏使陽膚爲士師，問於曾子，曾子曰：『上失其道，民散久矣，如得其情，則哀矜而勿喜。』

陽膚曾子弟子。

問於曾子問爲士師之道於曾子。

上失其道，民散久矣。上失教養之道，故

民心渙散而不相屬，以陷於罪戾；意謂其過在上而不在民。情實也，謂民所犯罪之實也。

子貢曰：『紂之不善，不如是之甚也！是以君子惡居下流，天下之惡皆歸焉。』

紂之……甚也。商王紂爲惡不道，後世憎惡之，皆以天下之惡歸之於紂，然紂雖惡，亦未至如

是之甚也。惡（「惡居」之「惡」）去聲。下流地形卑下之處，衆流之所歸者，喻人身

有汙賤之實，亦惡名之所聚也。

子貢曰：『君子之過也，如日月之食焉，過也，人皆見之，更也，人皆仰之。』

更去聲，改也。

衛公孫朝問於子貢曰：『仲尼焉學？』

公孫朝衛大夫。焉學何所從學？

子貢曰：『文武之道，未墜於地，在人，賢者識其大者，不賢者識其小者，莫不有文、武之道焉。夫子焉不學？而亦何常師之有？』

文武之道謂文王、武王之謨訓、功烈，與凡周之禮、樂文章。

在人……識其小者，識音志，記也；

言人有賢不賢之殊，其於文、武之道，所識亦有大小之別。

焉不學，言賢與不賢，無所不從學。

也。何常師之有，言無常師也；無所不從學，故無常師。

叔孫武叔語大夫於朝曰：『子貢賢於仲尼。』

叔孫武叔魯大夫，名州仇。

子服景伯以告子貢，子貢曰：『譬之宮牆，賜之牆也，及肩，窺見室家之好；夫子之牆數仞，不得其門而入，不見宗廟之美，百官之富，得其門者或寡矣！夫子之云，不亦宜乎！』

子服景伯注見憲問篇。

及肩言牆卑與人肩齊也。

仞七尺曰仞。

夫子之云此夫子指武

叔，謂武叔所言也。不亦宜乎意謂不足怪也。

叔孫武叔毀仲尼，子貢曰：『無以爲也，仲尼不可毀也。他人之賢者，丘陵也，猶可踰也；仲尼，日月也，無得而踰焉。人雖欲自絕，其何傷於日月乎？多見其不知量也！』

毀謗毀。

無以爲也言無用爲此。

丘陵土高曰丘。大阜曰陵。

踰過也。

日月喻其至高。

自絕謂以謗毀自絕於孔子。

不知量量去聲謂不自知其分量。

陳子禽謂子貢曰：『子爲恭也，仲尼豈賢於子乎？』

陳子禽注見學而篇。爲恭言爲恭敬以尊崇其師。

子貢曰：『君子一言以爲知，一言以爲不知，言不可不慎也！夫子之不可及也，猶天之不可階而升也。夫子之得邦家者，所謂立之斯立，道不斯行，綏之斯來，動之斯和；其生也榮，其死也哀。如之何其可及也？』

君子……不愼也，知，去聲；言君子卽人一言之得失，而識其人之知與不知，故言當極愼也。

階，梯也。得邦家，猶言施政布教於邦家也；得邦，謂爲諸侯，得家，謂爲大夫。立之，立，植也；之，

指人民言；植，民之生也。道，引也，謂教之也。行，從也。綏，安也，言有仁政安集之也。來，歸

附也。動與動也，以禮樂興動之也。榮，榮顯也，言民莫不尊敬之也。哀，言民哀痛之如喪

考妣也。

# 堯曰第二十

子張問於孔子曰：『何如斯可以從政矣？』子曰：『尊五美，屏四惡，斯可以從政矣。』

尊△尊△崇△ 屏△屏△除△也△。

子張曰：『何爲五美？』子曰：『君子惠而不費，勞而不怨，欲而不貪，泰而不驕，威而不猛。』子張曰：『何謂惠而不費？』子曰：『因民之所利而利之，斯不亦惠而不費乎？擇可勞而勞之，又誰怨？欲仁而得仁，又焉貪？君子無衆寡，無小大，無敢慢，斯不亦泰而不驕乎？君子正其衣冠，尊其瞻視，儼然人望而畏之，斯不亦威而不猛乎？』

惠△而△不△費△ 加△惠△於△民△而△不△費△財△ 勞△而△不△怨△ 勞△而△不△怨△ 勞△民△而△民△不△怨△ 欲△而△不△貪△ 有△所△欲△而△不△貪△ 求△無△

厭△ 泰△而△不△驕△ 注△見△子△路△篇△ 威△而△不△猛△ 威△嚴△而△不△猛△厲△ 因△民△之△所△利△而△利△之△ 順△民△之△性△ 使△

各遂其生。擇可勞而勞之謂使民以時也。欲仁……焉貪謂欲仁則仁斯至，無待於貪也；蓋仁存於心，可求之於己，若所欲在貨財，則將不能自足，而不免於貪矣。無衆……敢慢謂常人之情，敬衆，慢寡小，君子則不以寡小而慢之也。

子張曰：『何謂四惡？』子曰：『不教而殺謂之虐；不戒視成謂之暴；慢令致期謂之賊；猶之與人也，出納之吝，謂之有司。』

虐謂殘酷不仁。不戒視成，戒告也；視成，急責其成功也；言上之於民，不先告戒之，而急責其成功也。暴疾也，卒遽無漸也。慢令致期，慢緩也；致期，如今官府立限，言既緩其令，而復限其期也。賊切害之意。猶之……有司猶之，猶言均之也；均之以物與人，而於其出納之際，乃或吝而不果，則是有司之事，而非爲政之體，所與雖多，人亦不懷其惠矣。

子曰：『不知命，無以爲君子也；不知禮，無以立也；不知言，無以知人也。』  
不知命，無以爲君子；知命者，知有命而信之也；人不知命，則上害必避，見利必趨，故無以爲君

子。不知禮無以立，不知禮，則耳目無所加，手足無所措，故無以立。不知言無以知人，言之得失可以知人之邪正，故不知言則無以知人。



